



Broj: 03-50-1-60-15-6/10

Sarajevo, 01.10.2010.

***PARLAMENTARNA SKUPŠTINA
BOSNE I HERCEGOVINE
ZAJEDNIČKI KOLEGIJ OBAJU DOMOVA
PARLAMENTARNE SKUPŠTINE
BOSNE I HERCEGOVINE***

**PREDMET: IZVJEŠĆE O POSJETI MEĐUNARODNIM GRANIČNIM
PRIJELAZIMA GORICA I DOLJANI (22.09.2010. godine)**

Odbor za žalbe građana Parlamentarne skupštine Bosne i Hercegovine (u daljem tekstu: Odbor za žalbe građana) je, na svojoj 14. sjednici održanoj 31.8.2010. godine, a povodom razmatranja predstavki građana na rad pripadnika Granične policije Bosne i Hercegovine (GP BiH) i Državne agencije za istrage i zaštitu (SIPA), odlučio da je neophodno, u što skorije vrijeme, upriличiti posjetu svim međunarodnim graničnim prijelazima u Bosni i Hercegovini i terenskim uredima GP BiH i SIPA-e.

Osnovni razlog posjete međunarodnim graničnim prijelazima i terenskim uredima navedenih policijskih agencija jeste upoznavanje pripadnika GP BiH i SIPA-e sa nadležnostima i radom Odbora za žalbe građana, ali i vršenje uvida u stanje “na terenu”, te upoznavanje sa uslovima rada, eventualnim problemima i poteškoćama sa kojima se susreću uposlenici GP BiH i SIPA-e.

U skladu s navedenim, u srijedu 22.09.2010. godine, Odbor za žalbe građana posjetio je Terenski ured GP BiH u Grudama i Međunarodni granični prijelaz Doljani. Prilikom obje posjete, članovi Odbora za žalbe građana predstavili su rad Odbora za žalbe građana, u smislu njihovih nadležnosti, te prava i dužnosti utvrđenih Zakonom o neovisnim i nadzornim tijelima policijske strukture u BiH i Poslovníkom o radu Odbora za žalbe građana na rad policijskih službenika BiH. Posjeta je iskorištena i da se izvrši predaja promotivnog materijala Odbora za žalbe građana (letaka i plakata), izrađenog uz finansijsku pomoć USAID PSP-a. Dogovoreno je da se sav promotivni materijal istakne na vidnim mjestima i učini dostupnim građanima, s ciljem njihovog upoznavanja sa radom Odbora za žalbe građana.

Također, posjeta Terenskom uredu GP BiH u Grudama i Međunarodnom graničnom prijelazu Doljani iskorištena je i da se članovi Odbora za žalbe građana upoznaju sa osnovnim problemima u radu pripadnika GP BiH. Kao osnovni problem istaknuta je neizgrađena infrastruktura na graničnim prijelazima, te loši uvjeti rada, ali i velika frekvencija vozila, što je i glavni uzrok većem broju predstavki građana na rad pripadnika GP BiH upravo na Međunarodnom graničnom prijelazu Doljani. Pa ipak, bez obzira na sve probleme, Odbor za žalbe građana uvjerio se u izuzetno profesionalan odnos i postupanje policijskih službenika prema građanima, te njihovo poznavanje propisa i odgovorno i profesionalno obnašanje svih radnih zadataka..

U više navrata istaknuta je i više nego zadovoljavajuća suradnja uspostavljena između GP BiH i Odbora za žalbe građana, te izražena nada da će se uspješna suradnja nastaviti i u budućnosti.

Odbor za žalbe građana je, na kraju, zaključio da je posjeta u potpunosti ispunila očekivanja i da je cilj posjete u potpunosti ispunjen. Zaključeno je i da bi u narednom razdoblju od velike važnosti bilo obići i ostale međunarodne granične prijelaze, te terenske urede kako GP BiH, tako i SIPA-e.

Predsjednik
Odbora za žalbe građana
Mate Miletić